



Publicaziuns dalla vischnaunca, jamna 22

Votaziuns federalas e communalas dils 9 da zercladur 2024

L'urna principala en casa communal a ei aviarta sco suonda:
Dumengia, 9-6-2024, 09.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 7 da zercladur 2024, allas 14.00**, tier l'administraziun communal (tel. 081 920 36 36). **Levgiament da votar** Mintga votant(a) ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (basegna negina francatura) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 9 da zercladur 2024 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

2024-1031.000

Datum dalla publicaziun: 31-05-2024

Patrun: Janine Julia Jennifer Linse
Via Denterpraus 5, 7186 Segnas
Representant: Janine Julia Jennifer Linse
Via Denterpraus 5, 7186 Segnas
Intenziun: Contrucziun d'in pavigliun en curtin
Parcella: 2306
Adressa: Via Denterpraus 5, 7186 Segnas
Zona: Zona da habitar 1
Zona da prighel: Negina zona da prighel

2024-1019.000

Datum dalla publicaziun: 31-05-2024

Patrun: Swisscom (Schweiz) AG
Alte Tiefenaustrasse 6, 3050 Bern
Representant: Swisscom Broadcast AG
Invoice center ey 10, 3050 Bern
Intenziun: Cumpletar il stabiliment existent cun in'antenna supplementara pil provediment fundamental da Cavardiras
Edifici nr.: 924
Parcella: 2915
Adressa: Runfoppa sut 1
Zona: Ulteriur territori communal
Zona da prighel: Negina zona da prighel



2024-1033.000

Datum dalla publicaziun: 31-05-2024

Patrun: Guido Oberholzer
Dorfstrasse 25, 8556 Illhart
Representant: Josef Oberholzer
Hauptwilerstrasse 17, 9205 Waldkirch
Intenziun: Engrondir tegia da mises cun combra e remisa
Edifeci nr.: 626
Parcella: 3009
Adressa: Barcuns (Val Russein), 7180 Disentis/Mustér
Zona: Zona agricola
Zona da prighel: Negin zona da prighel

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2024-1015.000

Jutta Johanna Müller, In der Hub 1, 8057 Zürich; spazzar il mir per liung dalla via e construcziun da parcadis novs, parcella 577, Via Latis 4, 7180 Disentis/Mustér

Nr. 2024-1022.000

Karl Patrik & Karin Trüb-Pfenninger, Claridenstrasse 7, 8810 Horgen; sanaziun dil baghetg existent, construcziun d'ina annexa cun terrassa e remplazzament dalla bargia, parcella 1386, Via Clavianev 31, 7180 Disentis/Mustér

Nr. 2024-1024.000

Cuminonza da proprietaris en condomini, Gassa da Cuoz 25, 7186 Segnas; sanaziuns internas e construcziun d'ina scala el liber, parcella 1211, Gassa da Cuoz 25, 7186 Segnas

Nr. 2024-1027.000

Pascal Flepp & Flurina Albin, Via Chischliun 1, 7180 Disentis/Mustér; construcziun d'ina siara da curtin, parcella 999, Via Chischliun 1, 7180 Disentis/Mustér

Nr. 2024-1028.000

Max e Barla Deplazes-Lutz, Via Craiers 5, 7180 Disentis/Mustér; construcziun d'in suttetg per autos ed in magasin, parcelas 1821 e 3020, Via Craiers 5, 7180 Disentis/Mustér

Nr. 2024-1044.000

SAC-Sektion Winterthur, Am Eulachpark 25, 8404 Winterthur; sanaziun dalla camona SAC Cavardiras, spazzament parzial e construcziun nova d'in edifeci annex cun engrondaziun dalla surfatscha da habitar, sanaziun dil provediment d'aua sco era sanaziun dil sistem da deflussiun, parcelas 2948 e 2544, Gwasmét - Camona da Cavardiras, 7180 Disentis/Mustér

Uffeci da baghegiar Disentis/Mustér



Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau ils suandonts projects:

Nr. 2024-2040.000

Thomas ed Ulrike Lechmann-Krabacher, Via Sursilvana 13, 7180 Disentis/Mustér; nova lingia da provediment d'aua en casa, parcella 895, Via Sursilvana 13, 7180 Disentis/Mustér

Nr. 2024-2041.000

Baseli Jacomet, Via Crestas 28, 7183 Mumpé Medel; indrez fotovoltaic vid ils tschabergals dil balcon, parcella 2172, Via Crestas 28, 7183 Mumpé Medel

Nr. 2024-2042.000

Corsin Maissen, Via Aletta 22, 7180 Disentis/Mustér; montar ina stora da sulegl, parcella 2551, Caischavedra, 7180 Disentis/Mustér

Nr. 2024-2043.000

Marco ed Andrea Schmed-Beer, Via Soliva 5, 7180 Disentis/Mustér; niev indrez fotovoltaic sin tetg, parcella 3948, Via Soliva 5, 7180 Disentis/Mustér

Nr. 2024-2044.000

Willi Lozza, Via Cavardiras 5, 7180 Disentis/Mustér; modificaziun dil terren - construcziun d'in niev access, parcella 1010, Via Cavardiras 5, 7180 Disentis/Mustér

Nr. 2024-2045.000

David Lutz, Via Nova 7, 7180 Disentis/Mustér; construcziun d'in trutg da curtin, parcella 3881, Via Nova 7, 7180 Disentis/Mustér

Nr. 2024-2046.000

Pleiv Sogn Gions, 7180 Disentis/Mustér; lavurs da manteniment allas entradas, parcella 762, Baselgia S. Gions, 7180 Disentis/Mustér

Nr. 2024-2049.000

Livio e Corina Zanetti-Cajacob, Via Raveras 11, 7180 Disentis/Mustér; engrondaziun dil parcadi, parcella 842, Via Raveras 11, 7180 Disentis/Mustér

Uffeci da baghegiar Disentis/Mustér

Proxima sentupada denter la giuventetgna e la suprastonza communal

La giuventetgna dalla vischnaunca da Mustér s'entaupa **sonda, igl 1. da zercladur 2024** allas 17:00 cun la suprastonza communal ella Sala Cumiera el Center Fontauna. Ei dat ina discussiun davart projects comunals e regionals sco era ina discussiun libra. Silsunter dat ei in puschegn pils participonts.

Alla discussiun ein tut ils giuvenils cordialmein envidai.

Annunzias prendin bugen encunter entochen venderdis, ils 31 da matg 2024 allas 14:00 sut tcadruvi@disentis.ch ni 081 920 36 36.

Suprastonza communal



Elecziuns communalas 2024

Quest atun han liug las elecziuns dils organs communalas per la perioda d'uffeci 2025/2028. Quellas succedan tenor las prescripziuns dalla constituziun communalala e dalla lescha davart ils dretgs politics. Entochen il termin fixau ein las suandontas demissiuns vegnidas inoltradas:

Suprastonza communalala

Jacomet Wendelin, Mumpé Medel, genau

Cussegl da vischnaunca

Berther Armin, Segnas
Deflorin Adrian, Cuoz
Durschei Edgar, Segnas
Flepp Mario, Vitg
Fry Schuster Larissa, Vitg
Manetsch Armin, Mumpé Medel
Probst-Linder Helga, Chischliun

Cumissiun da gestiun

Cajacob Curdin, Segnas
Lutz-Schmidt Sonia, Acletta
Murer Flavio, Caschuarz

Cussegl da scola

Bergamin Simon, Segnas

La suprastonza communalala pren enconuschientscha dallas demissiuns cun admetter in grond engraziament a tuttas personas per lur engaschament en favur dil beinstar general.

Las elecziuns dil cussegl da vischnaunca, dalla suprastonza communalala, dalla cumissiun da gestiun e dil cussegl da scola han liug **dumengia, ils 22 da settember 2024**. Las elecziuns da tuttas ulteriuras cumissiuns succedan pli tard entras ils gremis cumpetents. Tenor art. 15 dalla constituziun communalala vegnan las autoritads e cumissiuns permanentas eligidas per ina perioda d'uffeci da **quater onns**.

Ils vischinadis, partidas politics localas ni gruppas da silmeins 15 votant(a)s san proponer entochen 30 dis avon l'elecziun candidats e candidatas per la suprastonza communalala, pil cussegl da vischnaunca, per la cumissiun da gestiun e pil cussegl da scola. Talas propostas ein da far a **secret e d'inoltrar entochen sil pli tard venderdis, ils 23 d'uost 2024** all'administraziun communalala, caum postal 57, 7180 Disentis/Mustér.

Officials che han buca demissiunau valan tenor art. 24 al. 2 dalla lescha davart ils dretgs politics sco proponi. Per las autoritads che vegnan eligidas ils 22 da settember 2024 all'urna ein perquei gia nominai:

President communal

Epp René, Vitg
Vacant: 0 post

Suprastonza communalala

Berther Clemens, Segnas
Lombris-Manetsch Iris, Dulezi
Schmidt Paul Flurin, Segnas
Vacant: 1 post



Cussegl da vischnaunca

Bucheli-Caduff Silvia, Segnas
Burri Gadola Theres, Gonda
Flepp Adrian, Vitg
Flepp Otmar, Vitg
Huonder Remo, Clavaniev
Lozza Giusep, Vitg
Maissen Rafael, Acletta
Venzin Ignaz, Acletta
Vacant: 7 posts

Cumissiun da gestiun

Vacant: 3 posts

Cussegl da scola

Bigliel Adrian, Disla
Dermon-Möckli Marisa, Vitg
Loretz-Duff Clarissa, Segnas
Vacant: 1 post

Per ulteriur sclariment stat il canzlist communal Andri Hendry bugen a disposiziun.

Suprastonza communal

Acziun digl «Uffeci da sanadad Grischun»

Naven dils 3 entochen ils 21 da zercladur vegn tschentau sil plaz avon halla Cons ina «crusch da moviment» (Balancekreuz).

Sin quei stabiliment da sport san tuts semuentar tenor plascher e migliurar las habilitads da balantschar. La responsabladad dil diever schai tier mintgin privat.

Nus sperein da saver porscher inaga dapli in'attracziun che duei promover il moviment el liber, quei per pign e grond.

Per quei motiv sto vegnir serraui il plaz avon halla Cons per las proximas 3 jamnas.

Nus sperein sin vossa capientscha.

Jris Lombris, geraua da sport e moviment

Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni adminstraziuns d'immobillas che han pigl 1. da zercladur 2024 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **3 da zercladur 2024**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei pil di da controlla (01-06-2024) vitas, denton habitablas e
- ch'ei pil di da controlla (01-06-2024) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal



Controlla da habitonts

Mortori

Amanda Huonder, naschida ils 2 da matg 1929, morta ils 21 da matg 2024

Administraziun communal

Canorta/Kita Lumpazi

Fundaziun Tür auf - mo vinavon. Fiasta da giubileum, sonda, ils 8 da zercladur allas 14.00. Grond areal da fiasta cun attracziuns per carschi ed affons entuorn ed en il center Aua Viva a Raveras. Sin vus spetgan ina Spassegiada tier ils projects, tuor da siglir e cavalcar sin **ponys, concerts, fiasta da grill e dapli. Program detagliau sut www.auaviva-cadi.ch. Nus selegrein sin vossa viseta!**

Stiftung Tür auf - mo vinavon, Jubiläumsfest, Samstag, 8. Juni ab 14 Uhr. Grosses Festgelände mit Attraktionen für Erwachsene in und um das Zentrum Aua Viva in Raveras. Rundgänge durch die Projekte, Hüpfburg und Ponyreiten, Konzerte, Grillfest und mehr erwartet Sie! Detailprogramm: www.auaviva-cadi.ch.

wir freuen uns auf Ihren Besuch!

Corporaziun d'alp Russein Mustér

Radunonza generala, venderdis, ils 7 da zercladur 2024 allas 20:00 ell'Ustria Cresta Segnas.

Tractandas

ordinarias usitadas ed informaziun sur dil stand dil project sanaziun infrastructura dall'alp

Cordialmein envida

la suprastonza



Colonna d'agid Cadi

Camp da reiver per affons dalla Colonna d'agid Cadi 2024

Sco gia dapi biars onns meina la Colonna d'agid Cadi atras dus cuors da reiver per affons denter 9 e 16 onns (annadas 2008 – 2015). Ils cuors han liug el territori da reiver a Lai Alv (2505 m) a Mustér, sisum dil territori da skis. Survigilai ed instrui da menadras e menaders da Giuventetgna e Sport emprendan ils affons semplamein ed en cuminonza igl ir a cuolm.

- Datum: Dumengia – venderdis (1. jamna 14-7. entochen 19-7-2024, 2. Jamna 21-7. Entochen 26-7-2024)
- Program: Introducziun egl alpinissem, ir entuorn cun sugas, reiver els curtgins da reiver, sentiment per grep e contuorn, pintga tura sin in péz, flora alpina, encurir cristallas.
- Material che manca san ins retscheiver dil cuors.
- Cuosts: frs 290.- per affon (cumpru pensiun cumpleina, material e surnotg a Lai Alv)

Annunzias ei pusseivel naven dils 2 da zercladur 2024 sut laialv@disentis.ch

Uniun da tiradurs Sedrun-Tujetsch

Pusseivladads da sittar igl obligatori e campester 2024

- Campester: Venderdis, ils 24 da matg allas 18:00-20:00
- Campester: Sonda, ils 25 da matg allas 17:00-19:00
- Obligatori e campester: Venderdis, ils 31 da matg allas 18:30-20:00
- Obligatori e campester: Mesjamna, ils 12 da zercladur allas 18:30-19:30
- Obligatori e campester: Venderdis, ils 23 d'uost allas 18:00-19:30

Cun plascher beneventein nus tiraduras e tiradurs el stan da sittar La Resgia a Sedrun.



Construcziun collaborativa cun roboters

Martin Candinas lai mussar il project #Caschlatsch da prof. Fabio Gramazio.

Gia la 29avla ga s'entaupan ils interessai dil project #Caschlatsch quei venderdis allas 21.05 uras sut las arcadas tier «Studio UH architects» a Mustér per s'infurmar davart il stadi actual dil project da perscrutaziun da l'ETH. Alla sentupada dils **31 da matg** vegn il professor da Gramazio Kohler Research a discuorer cun Martin Candinas davart quella installaziun sorprendenta e provocativa. «Catch #Caschlatsch - if you can.» Era quella sera vala: - #BringYourOwnBeer.

Collaborative Construction with Robots

Martin Candinas lässt sich von Prof. Fabio Gramazio das Projekt #Caschlatsch zeigen.

Bereits zum 29. Mal treffen sich Interessierte am Projekt #Caschlatsch diesen Freitag um 21.05 Uhr unter den Arkaden bei «Studio UH architects» in Disentis, um sich über den aktuellen Stand des ETH-Forschungsprojekts zu informieren. Am Treffen vom **31. Mai** reist der Professor vom Lehrstuhl Gramazio Kohler Research an, und spricht mit Martin Candinas über diese überraschende und provozierende Installation. «Catch #Caschlatsch- if you can.» Auch an diesem Abend gilt: #BringYourOwnBeer.

Ludoteca Disentis/Mustér e contuorn

Sera da giugs en ludoteca Mardis, ils 11 da zercladur 2024, 19.00 - 21.00.

Cordial beinvegni!

Uniun da catschadurs Péz Alpetta

Salvament d`anseuls uonn niev cun ina drona

Preziai purs. Gleiti eis ei aschi lunsch ed ils praus ein pinai per fenar. Quei munta era che nus vegnin puspei a far nies pusseivel per protegiar ils animals. Era uonn vegnan las selvaschinas a setener si en nos praus.

Il davos da matg/entschatta zercladur fan las cauras cavriel per ordinari 1-2 anseuls. Cun quels anseuls setegnan ellas stediamein si en nos praus. Ils anseuls ein zuppai bein el prau, aschia ch'igl ei strusch pusseivel per vus purs da veser els duront segar. Deplorablamein capeta ei onn per onn ch'ils anseuls vegnan denter las maschinas da segar. Per evitar quei savein e lein nus agir. Nus essan denton visai vi sin vies agid. Senza vus va ei bu.

S'annunziei per plascher il di avon ch'il prau vegn segaus tier il cau da tgira sut la numera 078 690 18 86 ni tier il guardiaselvaschina sut la numera 079 397 35 54. La damaun che vegn segau vegnin nus cun nossa drona e sgulein giu la parzella che vegn segada. Igl avantatg dalla drona ei che nus stuein buca pli ira per ils praus entuorn. Sche nus anflein in ansiel vegn il qual cuvretgs giu cun in harass da lenn tochen che vus veis finiu da segar. Per il bien da noss animals selvadis fussen nus engrazieivels sche vus fagesses part da quella nova purschida per che nus sappien aschia deliberar in ni l'auter ansiel da quei schabetg.

Nus engraziein gia ordavon per vossa collaboraziun e sperein da sentupar cun enqualin da vus.

Il cau da tgira

Serrada dalla senda da viagiari Cufions – Ragisch – Mumpé Medel

Muort lavurs da construcziun vegn la senda naven da Cufions sur Ragisch – Mumpé Medel serrada per tut il diever. Las lavurs han prevedentamein liug entochen ils 22.06.2024. Igl access naven da Cufions a Mumpé Medel ei pusseivels duront quei temps sur Fontanivas – Plaun Sut – a Mumpé Medel (via veglia da Mumpé Medel).

Per damondas urgentas stat la direcziun da construcziun a disposiziun, ipz ingenieure und planer 081 943 17 22.

Bien engraziament per l'enconuschientscha e capientscha.